



Salar Bruk As
c/o Alsaker Fjordbruk
5694 ONARHEIM

Referanser:
Dykkar:
Vår: 16/248 - 17/1059

Saksbehandlar:
Marius Flemmen Knudsen
marius.knudsen@meland.kommune.no

Dato:
17.01.2017

Godkjenning av søknad om løyve til motorferdsle i Rylandsvassdraget 2017-2018

Administrativt vedtak. Saknr: 26/2017

Saksutgreiing:

Vi syner til søknad dagsett 20.01.2017.

Settefiskanlegget Salar Bruk AS søker om generell dispensasjon frå lokal forskrift om bruk av motorfartøy i Rylandsvassdraget. Det vert søkt om løyve fram til 31.12.2018. Salar Bruk oppgjeve at dei har installasjonar (leidningar, demningar/overlaup, målestavar m.m.) i vassdraget, og for at desse til ei kvar tid skal vera operative, er ein heilt avhengig av m.a. ulike kontrollfunksjonar. For å utføra denne delen av drifta, er det viktig å kunne nytta båt med motor, for på ein rasjonell måte kunne utføra turvande gjeremål/service m.m.

Det kan også oppstå akutte situasjonar, brekkasjar på installasjonar som er knytt til drifta av anlegget, samt andre nødvendige tiltak med drifta av anlegget som må gjennomførast. For å avbøta og utbetra slike situasjonar, kan det ofte vera trong for raske aksjonar for å nå fram til aktuell stad/tiltak. Bruk av båt med motor til transport av personell, utstyr m.m. for å avgrensa mogelege skader eller utføra planlegde tiltak, vil vera heilt avgjerande. Søkjar skriv vidare i søknaden at dei vil tru at ovannemnde tiltak i ei eller anna form, vil vera så pass avgjerande for både den tekniske drifta av anlegget og trygging av viktige arbeidsplassar i kommunen, at det kan gjevast turvande dispensasjon frå forskrifta slik det m.a. vert skissert i §5 (jamfør særlege grunnar i §6 i lov om motorferdsel i utmark og vassdrag). I samarbeid med kommunen vil det vera praktisk at eit eventuelt løyve til bruk av motorfartøy kan gjelda for eit lengre tidsrom.

Settefiskanlegget fekk i 2016, sak 35/2016, generell dispensasjon til å nytta motorfartøy i Rylandsvassdraget for året 2016. Løyvet vart m.a. gjeve på vilkår av at det skulle førast logg over tal turar og timar som motorfartøy vart brukt, samt at dette skulle rapporterast til kommunen. I den aktuelle tida i 2015 nytta verksemda open båt med motor totalt 7 gonger på Rylandsvatnet. Dei er utført i samband med kontroll av inntaksleidningsarrangementet og har hatt ein varigheit på mellom ½ time til 1 time. Salar Bruk AS søker i om løyve for 2 år, medan dei tidligare har søkt for 1 år av gongen.

Vurdering:

I § 5 i den lokale forskrifta finn ein m.a.: I medhald av § 6 i Lov om motorferdsel i utmark og vassdrag kan kommunen gjeva løyve til bruk av motorfartøy etter søknad. Løyvet kan gjevast til eit høve eller tidsrom. Meland kommune kan setja vilkår for løyvet.

Administrasjonen meiner at løyvet med vilkår som vart gjeve i 2016 har fungert godt. Den lokale forskrifta opnar for at det kan gjevast løyve til meir enn eit år av gongen. Administrasjonen meiner at det vil vere effektivt for både søkjar og kommune å gje løyve til meir enn eit år av gongen, da ferdsla utgjer få turar i året, samstundes som trongen for å kunna nytta båt ikkje endrast. Eit løyve for 2 år vil vere ressursparande samstundes som dei interesser som forskrifta skal ivareta, vert tatt ivaretatt. Administrasjonen meiner at det difor bør gjevast løyve til 2 år som omsøkt.

Vedtak

«Meland kommune gjev Salar Bruk AS generell dispensasjon til å nytte motorfartøy i Rylandsvassdraget i samband med kontroll og vedlikehald av deira installasjonar. Løyvet gjeld frå 18.01.2017 til 31.12.2018.

Løyvet vert gjeve på fylgjande vilkår:

1. Det skal ikkje nyttast større motor enn 10 HK og farten på fartøyet må ikkje overstige 5 knop. (1,852 km/t). jf § 4 i: Forskrift for bruk av motorfartøy i Rylandsvassdraget.
2. Salar Bruk AS skal føre logg over tal turar og timar som motorfartøy vert brukt i løyvingsperioden. Når perioden er slutt skal kopi av loggen sendast Meland kommune.

Vedtaket har heimel i forskrift for bruk av motorfartøy i Rylandsvassdraget §5.»

Mynde

Saka er handsama og avgjort administrativt i medhald av delegert mynde, jf. kommunelova § 23 nr 4 og gjeldande delegasjonsreglement.

Klage

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen

skal det gå fram kva det vert klagt på i vedtaket, og kva endringar ein ønskjer. Klagen skal grunngjevast.

Med helsing

Anny Bastesen
sektorsjef teknisk

Marius Flemmen Knudsen
skog- og miljøkonsulent

Dokumentet er elektronisk godkjent og har difor ingen signatur.

Mottakere:

Salar Bruk As

c/o Alsaker
Fjordbruk

5694

ONARHEIM